



出羊傳

十

仁心
1928
6



仁12
1928
6



公羊傳卷十

昭公

元年春王正月公即位

叔孫豹會晉趙武楚公子圍齊國弱宋向戌衛石惡
陳公子招蔡公孫歸生鄭軒虎許人曹人于鄆

此陳侯之弟招也何以不稱弟貶曷為貶為殺世
子偃師貶曰陳侯之弟招殺陳世子偃師大夫相
殺稱人此其稱名氏以殺何言將自是弑君也今
將爾詞曷為與親弑者同君親無將將而必誅焉

公羊傳

卷十

昭公

然則曷為不於其弑焉貶以親者弑然後其罪惡甚春秋不待貶絕而罪惡見者不貶絕以見罪惡也貶絕然後罪惡見者貶絕以見罪惡也今招之罪已重矣曷為復貶乎此著招之有罪也何著乎招之有罪言楚之託乎許招以滅陳也

三月取運

運者何內之邑也其言取之何不聽也

夏秦伯之弟鍼出奔晉

秦無大夫此何以書仕諸晉也曷為仕諸晉有于

乘之國而不能容其母弟故君子謂之出奔也

六月丁巳邾婁子華卒

晉荀吳帥師敗狄于大原

此大鹵也曷為謂之大原地物從中國邑人名從主人原者何上平曰原下平曰隰

秋莒去疾自齊入于莒

莒展出奔吳

叔弓帥師彊運田

彊運田者何與莒為竟也與晉為竟則曷為帥師

而往畏晉也

葬邾婁悼公

冬十有一月己酉楚子卷卒

楚公子比出奔晉

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復

其言至河乃復何不敢進也

季孫宿如晉

三年春王正月丁未滕子泉卒

夏叔弓如滕

五月葬滕成公

秋小邾婁子來朝

八月大雩

冬大雨雹

北燕伯欵出奔齊

四年春王正月大雨雹

夏楚子蔡侯陳侯鄭伯許男徐子滕子胡子沈子小邾婁子宋世子佐淮夷會于申
楚人執徐子

秋七月楚子蔡侯陳侯許男頓子胡子沈子淮夷伐吳執齊慶封殺之

此伐吳也其言執齊慶封何為齊誅也其為齊誅奈何慶封走之吳吳封之於防然則曷為不言伐防不與諸侯專封也慶封之罪何脅齊君而亂齊國也

遂滅厲

九月取鄆

其言取之何滅之也滅之則其言取之何內大惡諱也

冬十有二月乙卯叔孫豹卒

五年春王正月舍中軍

舍中軍者何復古也然則曷為不言三卿五亦有中三亦有中
楚殺其大夫屈申

公如晉

夏莒卒夷以卒婁及防茲來奔

莒卒夷者何莒大夫也莒無大夫此何以書重地也其言及防茲來奔何不以私邑累於邑也

秋七月公至自晉

戊辰叔弓帥師敗莒師于潰泉

潰泉者何直泉也直泉者何涌泉也

秦伯卒

何以不名秦者夷也匿嫡之名也其各何嫡得之

也

冬楚子蔡侯陳侯許男頓子沈子徐人越人伐吳

六年春王正月杞伯益姑卒

葬秦景公

夏季孫宿如晉

葬杞文公

宋華合比出奔衛

秋九月大雩

楚遠顛帥師伐吳

冬叔弓如楚

齊侯伐北燕

七年春王正月暨齊平

三月公如楚

叔孫舍如齊蒞盟

夏四月甲辰朔日有食之

秋八月戊辰衛侯惡卒

九月公至自楚

冬十有一月癸未季孫宿卒

十有一月癸亥葬衛襄公

八年春陳侯之弟招殺陳世子偃師

夏四月辛丑陳侯溺卒

叔弓如晉

楚人執陳行人于徵師殺之

陳公子留出奔鄭

秋蒐于紅

蒐者何簡車徒也何以書蓋以罕書也

陳人殺其大夫公子過

大雩

冬十月壬午楚師滅陳執陳公子招放之于越殺陳孔瑗

葬陳哀公

九年春叔弓會楚子于陳

許遷于夷

夏四月陳火

陳已滅矣其言陳火何存陳也曰存陳憐矣曷為存陳滅人之國執人之罪人殺人之賊葬人之君

若是則陳存憐矣

秋仲孫矍如齊

冬築郎囿

十年春王正月

夏晉欒施來奔

秋七月季孫隱如叔弓仲孫矍帥師伐齊

戊子晉侯彪卒

九月叔孫舍如晉

葬晉平公

十有一月甲子宋公戌卒

十有一年春王正月叔弓如宋

葬宋平公

夏四月丁巳楚子虔誘蔡侯般殺之于申

楚子虔何以名絕曷為絕之為其誘討也此討賦

也雖誘之則曷為絕之懷惡而討不義君子不予

也

楚公子棄疾帥師圍蔡

五月甲申夫人歸氏薨

大蒐于比蒲

大蒐者何簡車徒也何以書蓋以罕書也

仲孫貜會邾婁子盟于侵羊

秋季孫隱如會晉韓起齊國弱宋華亥衛北宮佗鄭

軒虎曹人杞人于屈銀

九月己亥葬我小君齊歸

齊歸者何昭公之母也

冬十有一月丁酉楚師滅蔡執蔡世子有以歸用之

此未踰年之君也其稱世子何不君靈公不成其

子也不君靈公則曷為不成其子誅君之子不立
非怒也無繼也惡乎用之用之防也其用之防奈
何蓋以築防也

十有二年春齊高偃帥師納北燕伯于陽

伯于陽者何公子陽生也子曰我乃知之矣在側
者曰子苟知之何以不革曰如爾所不知何春秋
外之信史也其序則齊桓晉文其會則主會者為之
也其詞則丘有罪焉爾
三月壬申鄭伯嘉卒

夏宋公使華定來聘

公如晉至河乃復

五月葬鄭簡公

楚殺其大夫成然

秋七月

冬十月公子整出奔齊

楚子伐徐

晉伐鮮虞

十有三年春叔弓帥師圍費

夏四月楚公子比自晉歸于楚弑其君虔于乾谿
 此弑其君其言歸何歸無惡於弑立也歸無惡於
 弑立者何靈王為無道作乾谿之臺二年不成楚
 公子棄疾脅比而立之然後令于乾谿之役曰比
 已立矣後歸者不得復其田里眾罷而去之靈王
 經而死

楚公子棄疾弑公子比

比已立矣其稱公子何其意不當也其意不當則
 曷為加弑焉爾比之義宜乎效死不立大夫相殺

稱人此其稱名氏以弑何言將自是為君也

秋公會劉子晉侯齊侯宋公衛侯鄭伯曹伯莒子邾
 婁子滕子薛伯杞伯小邾婁子于平丘

八月甲戌同盟于平丘

公不與盟

晉人執季孫隱如以歸公至自會

公不與盟者何公不見與盟也公不見與盟大夫
 執何以致會不耻也曷為不耻諸侯遂亂及陳蔡
 君子耻不與焉

蔡侯廬歸于蔡

陳侯吳歸于陳

此皆滅國也其言歸何不與諸侯專封也

冬十月葬蔡靈公

公如晉至河乃復

吳滅州來

十有四年春隱如至自晉

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

十有五年春王正月吳子夷昧卒

二月癸酉有事于武宮籥人叔弓卒去樂卒事

其言去樂卒事何禮也有事于廟聞大夫之喪去

樂卒事大夫聞君之喪攝主而往大夫聞大夫之

喪尸事畢而往

夏蔡昭吳出奔鄭

六月丁巳朔日有食之

秋晉荀吳帥師伐鮮虞

冬公如晉

十有六年春齊侯伐徐

楚子誘戎蠻子殺之

楚子何以不名夷狄相誘君子不疾也曷為不疾

若不疾乃疾之也

夏公至自晉

秋八月己亥晉侯夷卒

九月大雩

季孫意如如晉

冬十月葬晉昭公

十有七年春小邾婁子來朝

夏六月甲戌朔日有食之

秋邾子來朝

八月晉荀吳帥師滅陸渚戎

冬有星孛于大辰

孛者何彗星也其言于大辰何在大辰也大辰者

何大火也大火為大辰伐為大辰北辰亦為大辰何以書記異也

楚人及吳戰于長岸

詐戰不言戰此其言戰何敵也

十有八年春王三月曹伯須卒

夏五月壬午宋衛陳鄭災

何以書記異也何異爾異其同日而俱災也外異不書此何以書為天下記異也

六月邾婁子入郟

秋葬曹平公

冬許遷于白羽

十有九年春宋公伐邾婁

夏五月戊辰許世子止弑其君買

巳卯地震

秋齊高發帥師伐莒

冬葬許悼公

賊未討何以書葬不成于弑也曷為不成于弑止進藥而藥殺也止進藥而藥殺則曷為加葬焉目

譏子道之不盡也其譏子道之不盡奈何曰樂正
 子春之視疾也復加一飯則脫然愈復損一飯則
 脫然愈復加一衣則脫然愈復損一衣則脫然愈
 止進藥而藥殺是以君子加弑焉爾曰許世子止
 弑其君買是君子之聽止也葬許悼公是君子之
 赦止也赦正者免止之罪辭也

二十年春王正月

夏曹公孫會自鄆出奔宋

奔未有言自者此其言自何畔也畔則曷為不言

其畔為公子喜時之後諱也春秋為賢者諱何賢
 乎公子喜時讓國也其讓國奈何曹伯廬卒于師
 則未知公子喜時從與公子負芻從與或為主乎
 國或為主于師公子喜時見公子負芻之當主也
 遂巡而退賢公子喜時則曷為為會諱君子之善
 善也長惡惡也短惡惡止其身善善及子孫賢者
 子孫故君子為之諱也

秋盜殺衛侯之兄輒

母兄稱兄兄何以不立有疾也何疾爾惡疾也

冬十月宋率亥向寧華定出奔陳

十有一月辛卯蔡侯廬卒

二十有一年春王三月葬蔡平公

夏晉侯使士鞅來聘

宋率亥向寧華定自陳入于宋南里以辟

宋南里者何若曰因諸者然

秋七月壬午朔日有食之

八月乙亥叔痤卒

冬蔡侯宋出奔楚

公如晉至河乃復

二十有二年春齊侯伐莒

宋華亥向寧華定自宋南里出奔楚

大蒐于昌莒

夏四月乙丑天主崩

六月叔鞅如京師

葬景王

王室亂

何言乎王室亂言不及外也

劉子單子以王猛居于皇

其稱王猛何當國也

秋劉子單子以王猛入于王城

王城者何西周也其言入何篡辭也

冬十月王子猛卒

此未踰年之君也其稱王子猛卒何不與當也不

與當者不與當父死子繼兄死弟及之辭也

十有二月癸酉朔日有食之

二十有三年春王正月叔孫舍如晉

癸丑叔鞅卒

晉人執我行人叔孫舍

晉人圍鄭

郊者何天子之邑也曷為不繫于周不與我天子也

夏六月蔡侯東國卒于楚

秋七月莒子庚與來奔

戊辰吳敗頓胡沈蔡陳許之師于雞父胡子髡沈子

楹滅獲陳夏齧

此偏戰也曷為以詐戰之辭言之不與夷狄之主
 中國也然則曷為不使中國主之中國亦新夷狄
 也其言滅獲何別君臣也君死于位曰滅生得曰
 獲大夫生死皆曰獲不與夷狄之主中國則其言
 獲陳夏齧何吳少進也

天主居于狄泉

此未三年其稱天主何著有天子也

尹氏立王子朝

八月乙未地震

冬公如晉至河公有疾乃復

何言平公有疾乃復殺也

二十有四年春王二月丙戌仲孫纘卒

叔孫舍至自晉

夏五月乙未朔日有食之

秋八月大雩

丁酉祀伯鬱釐卒

冬吳滅巢

葬祀平公

二十有五年春叔孫舍如宋

夏叔倪會晉趙鞅宋樂大心衛北宮喜鄭游吉曹人

邾婁人滕人薛人小邾婁人于黃父

有鸛鵒來巢

經作鸛何以書記異也何異爾非中國之禽也宜記又巢

也

秋七月上辛大雩季辛又雩

又雩者何又雩者非雩也聚眾以逐季氏也

九月己亥公孫于齊次于揚州

齊侯唁公于野井

唁公者何昭公將弒季氏告子家駒曰季氏為無

道僭於公室久矣吾欲弒之何如子家駒曰諸侯

僭於天子大夫僭於諸侯久矣昭公曰吾何僭矣

哉子家駒曰設兩觀乘大路朱于玉歲以舞大夏

八佾以舞大武此皆天子之禮也且失牛馬繼數

委已者也而柔焉季氏得民衆久矣君無多辱焉

昭公不從其言終弒而敗焉走之齊齊侯唁公于

野井曰奈何君去魯國之社稷昭公曰喪人不佞

失守魯國之社稷執事以羞再拜顙慶子家駒曰
慶子免君於大難矣子家駒曰臣不佞陪君於大
難君不忍加之以鉄鑽賜之以死再拜顙高子執
簞食與四脰脯國子執壺漿曰吾寡君聞君在外
餒饗未就敢致糗于從者昭公曰君不忘吾先君
延及喪人錫之以大禮再拜稽首以社受高子曰
有夫不祥君無所辱大禮昭公蓋祭而不嘗景公
曰寡人有不腆先君之服未之敢服有不腆先君
之器未之敢用敢以請昭公曰喪人不佞失守魯

國之社稷執事以羞敢辱大禮敢辭景公曰寡人
有不腆先君之服未之敢服有不腆先君之器未
之敢用敢固以請昭公曰以吾宗廟之在魯也有
先君之服未之能以服有先君之器未之能以出
敢固辭景公曰寡人有不腆先君之服未之敢服
有不腆先君之器未之敢用請以饗乎從者昭公
曰喪人其何稱景公曰執君而無稱昭公於是噉
然而哭諸大夫皆哭既哭以久爲蓄以幣爲席以
芻爲几以遇禮相見孔子曰其禮與其辭足觀矣

冬十月戊辰叙孫舍卒

十有一月己亥宋公佐卒于曲棘

曲棘者何宋之邑也諸侯卒其封內不地此何以

地憂內也

十有二月齊侯取運

外取邑不書此何以書為公取之也

二十有六年春王正月葬宋元公

三月公至自齊居于運

夏公圍成

秋公會齊侯莒子邾婁子杞伯盟于朝陵

公至自會居于運

九月庚申楚子居卒

冬十月天王入于成周

成周者何東周也其言人何不嫌也

尹氏召伯毛伯以王子朝奔楚

二十有七年春公如齊公至自齊居于運

夏四月吳弒其君僚

楚殺其大夫郤宛

秋晉士鞅宋樂祁犁衛北宮喜曹人邾婁人滕人龔于扈

冬十月曹伯午卒

邾婁快來奔

邾婁快者何邾婁之大夫也邾婁無大夫此何以書以近書也

公如齊公至自齊居于運

二十有八年春王三月葬曹悼公

公如晉次于乾侯

夏四月丙戌鄭伯寤卒

六月葬鄭定公

秋七月癸巳滕子甯卒

冬葬滕悼公

二十有九年春公至自乾侯居于運

齊侯使高張來唁公

公如晉次于乾侯

夏四月庚子叔倪卒

秋七月

冬十月運潰

邑不言潰此其言潰何邪之也曷為邪之君存焉爾

三十年春王正月公在乾侯

夏六月庚辰晉侯去疾卒

秋八月葬晉頃公

冬十有二月吳滅徐徐子章禹奔楚

三十有一年春王正月公在乾侯

季孫隱如會晉荀櫟于適歷

夏四月丁巳薛伯穀卒

晉侯使荀櫟唁公于乾侯

秋葬薛獻公

冬黑弓以濫來奔

文何以無邾婁通濫也曷為通濫賢者子孫宜有地也賢者孰謂謂叔術也何賢乎叔術讓國也其讓國奈何當邾婁顏之時邾婁女有為魯夫人者則未知其為武公與懿公與孝公幼顏淫九公子于宮中因以納賊則豈知其為魯公子與邾婁公

子與臧氏之母養公者也君如則宜有養者大夫
 之妾士之妻則未知臧氏之母者曷為者也養公
 者必以其子入養臧氏之母聞有賊以其子易公
 抱公以逃賊至湊公寢而弑之臣有鮑廣父與宗
 買子者聞有賊趨而至臧氏之母曰公不死也在
 是吾以吾子易公矣於是負孝公之周訪天子天
 子為之誅顏而立叔術反孝公子魯顏未人者嫗
 盈女也國色也其言曰有能為我殺殺顏者吾為
 其妻叔術為之殺殺顏者而以為妻有子焉謂之

肝夏父者其所為有於顏者也肝奴而皆愛之食
 必坐二子於其側而食之有珍怪之食肝必先取
 足焉夏父曰以來人未足而肝有餘叔術覺焉曰
 嘻此誠爾國也夫起而致國于夏父夏父受而中
 分之叔術曰不可三分之叔術曰不可四分之叔
 術曰不可五分之然後受之公扈子者邾婁之父
 兄也習乎邾婁之故其言曰惡有言人之國賢若
 此者乎誅顏之時天子死叔術起而致國于夏父
 當此之時邾婁人常被兵于周曰何故死吾天子

通濫則文何以無邾婁天下未有濫也天下未有濫則其言以濫來奔何叔術者賢大夫也絕之則為叔術不欲絕不絕則世大夫也大夫之義不得世故於是推而通之也

十有二月辛亥朔日有食之

三十有二年春王正月公在乾侯

取闕闕者何邾婁之邑也曷為不繫乎邾婁諱也

夏吳伐越吳其伐越也越在吳南而吳伐越也

秋七月

冬仲孫何忌會晉韓不信齊高張宋仲幾衛世叔申

鄭國參曹人莒人邾婁人薛人杞人小邾婁人城成

周

十有二月己未公薨于乾侯

公羊傳卷十終

